

ДАМЖУУЛАН ОЛГОХ ТӨСЛИЙН ЗЭЭЛҮҮДИЙН 2016 ОНЫ 3 ДУГААР УЛИРЛЫН ТАЙЛАН

Монгол улсын Засгийн газар 1994 онд Азийн хөгжлийн банктай, 1995 онд ХБНГУ-ын Засгийн газартай байгуулсан гэрээний дагуу Монголбанк КфВ банк болон АХБ-ны төслийн зээлийг банкуудад дамжуулан олгох үүрэгтэй оролцож байна.

1. КфВ банкны ЖДҮ-ийг дэмжих төслийн зээл

Төслийн зорилго: Экспортын чиглэлийн ЖДҮ-ийг хөгжүүлэх, санхүүгийн секторыг дэмжих.

Эх үүсвэр: Монгол улс, ХБНГУ-ын Засгийн газар хоорондын хэлэлцээрийн дагуу 40 жилийн хугацаатай 8.7 сая еврогийн зээлийг жилийн 0.75 хувийн хүүтэйгээр хүлээн авсан.

КфВ банкнаас Монголбанкинд олгосон зээлийн эргэн төлөлт: Монголбанк КфВ банкинд жилд 2 удаа хуваарийн дагуу эргэн төлөлт хийдэг бөгөөд нийт 2.36 сая еврог КфВ банкинд төлсөн. Ингэснээр энэхүү зээлийн үлдэгдэл 2016 оны 3 дугаар улирлын байдлаар 6.33 сая евро байна (Хүснэгт 1).

Хүснэгт 1. КфВ төслийн зээлийн эргэн төлөлт, үлдэгдэл /евро/

	2015.III	2015.IV	2016.I	2016.II	2016.III
Эхний үлдэгдэл	6 610 969,74	6 610 969,74	6 469 117,87	6 469 117,87	6 327 266,00
Үндсэн зээлийн төлбөр	0,00	141 851,87	0,00	141 851,87	0,00
Хүүгийн төлбөр	0,00	24 791,13	0,00	24 259,19	0,00
Эцсийн үлдэгдэл	6 610 969,74	6 469 117,87	6 469 117,87	6 327 266,00	6 327 266,00

Монголбанкнаас Банкинд олгосон зээл: Банкнаас ирүүлсэн хүсэлтийн дагуу Монголбанк 250 000 хүртэлх еврог 5 жилийн хугацаатай банкуудад дамжуулан олгодог. Банк Монголбанкинд жил 2 удаа хуваарийн дагуу буцаан төлдөг бөгөөд оролцогч банкинд олгосон зээлийн үлдэгдэл 5.37 сая евро байна. Тайлант улиралд төслийн хүрээнд 300.0 сая төгрөгийн зээлийг ХХБ-нд олгосон.

Зураг 1. КфВ төслийн зээлийн үлдэгдэл, дамжуулан олгосон дүн



Эх үүсвэрийн ашиглалт

Тайлант хугацааны эцсийн байдлаар хөтөлбөрийн эргэлтийн сангийн хөрөнгийн 85.0 хувийг дамжуулан олгосон байна. Үүний 48.0 хувийг ХХБ, 38.4 хувийг Голомт банк, 13.6 хувийг УБ хотын банк ашиглаж байна (Зураг 2).

Зураг 2: КфВ төслийн зээлийн эргэлтийн сангийн эх үүсвэрийн хуваарилалт



Банкуудын ААН-д олгосон зээл: КфВ банкны төсөл манай улсад хэрэгжиж эхэлснээс хойш уг төсөлд нийт 149 ЖДҮ зээлд хамрагдаж, 63.9 тэрбум төгрөгийн хөнгөлөлттэй нөхцөлтэй зээл авсан байна. Тайлант улирлын эцсийн байдлаар 63 ЖДҮ эрхлэгч ААН-үүд 13.7 тэрбум төгрөгийн зээлийн үлдэгдэлтэй байна. Нэг зээлдэгчид ногдож буй дундаж зээлийн хэмжээ 218.1 сая төгрөг байна (Хүснэгт 2).

Оролцогч банкуудаас төслийн хүрээнд эцсийн зээлдэгчид төгрөгөөр дамжуулан олгосон зээлийн ЖДХ жилийн 13.6 хувь, еврогоор дамжуулан олгосон эх үүсвэрийн ЖДХ жилийн 8.5 хувьтай байна.

Хүснэгт 2.1: КфВ төслийн зээлд хамрагдсан ЖДҮ-ийн тоо, авсан зээлийн хэмжээ /оролцогч банкаар/

Д/д	Оролцогч Банк	ААН-ийн тоо	Нийт олгосон зээлийн дүн /төгрөгөөр/	Нэг ААН-д оногдож буй зээлийн дүн
1	Монгол шуудан	27	12 801 456 326,4	474 128 012,1
2	ХХБ	49	26 526 997 792,9	541 367 301,9
3	Капитрон	27	14 373 129 771,0	532 338 139,7
4	Голомт	33	7 527 868 880,0	228 117 238,8
5	УБХБ	13	2 669 300 000,0	205 330 769,2
	НИЙТ	149	63 898 752 770,3	428 850 689,7

Хүснэгт 2.2: КфВ төслийн хүрээнд зээлийн үлдэгдэлтэй байгаа ЖДҮ-ийн тоо, зээлийн хэмжээ /оролцогч банкаар/

Д/д	Оролцогч Банк	Зээлийн үлдэгдэлтэй байгаа ААН-ийн тоо	Зээлийн үлдэгдэл /төгрөгөөр/	Нэг ААН-д оногдож буй зээлийн дүн
1	ХХБ	17	6 600 465 571,2	388 262 680,7
2	Голомт	33	5 276 246 008,1	159 886 242,7
3	УБХБ	13	1 864 305 000,0	143 408 076,9
	НИЙТ	63	13 741 016 579,3	218 111 374,3

КфВ төслийн ашиглаагүй эх үүсвэрийн үлдэгдэл 2016 оны 11 дүгээр сарын 10-ны өдрийн байдлаар 900.0 мянган евро байна.

2. АХБ-ны Ажлын байр нэмэгдүүлэх (АБН) төслийн зээл

Төслийн зорилго: Монгол улс, АХБ-ны хооронд байгуулсан зээлийн хэлэлцээрийн зорилго нь хувиараа хөдөлмөр эрхлэх хэлбэрээр жижиг

үйлдвэрлэл эрхэлж буй иргэдийг дэмжих, мөн ажлын байр нэмэгдүүлэхэд оршино.

Эх үүсвэр: Монгол Улс, Азийн хөгжлийн банкны хооронд байгуулсан хэлэлцээрийн дагуу 2154.0 мянган зээлжих тусгай эрхтэй (ЗТЭ) тэнцэх валютыг 39 жилийн хугацаатай зээлсэн.

АХБ-наас Монголбанкинд олгосон зээлийн эргэн төлөлт: Монголбанк АХБ-нд жилд 2 удаа хуваарийн дагуу эргэн төлөлт хийдэг бөгөөд хамгийн сүүлд 2016 оны 9 дүгээр сарын 15-ны өдөр 40,800.00 ЗТЭ-ийн зээлийн үндсэн өр, 7,356.36 ЗТЭ-ийн хүүгийн төлбөрийг эргүүлэн төлсөн (Хүснэгт 3).

Хүснэгт 3. АХБ-ны зээлийн 2016 оны III улиралд хийгдсэн эргэн төлөлт (ЗТЭ-ээр)

Үндсэн зээлийн эхний үлдэгдэл	Нийт төлбөр	Үүнээс:		Үндсэн зээлийн эцсийн үлдэгдэл
		Үндсэн төлбөр	Хүүгийн төлбөр	
1,427,517.68	48,156.36	40,800.00	7,356.36	1,386,717.68

2016 оны 3 дугаар улирлын байдлаар нийт 767.3 мянган ЗТЭ-ийг төлж, зээлийн өрийн үлдэгдэл 1,386.7 мянган ЗТЭ буюу 2.0 сая ам.доллар болоод байна. Энэ нь 2016 оны 9 дүгээр сарын 30-ны өдрийн ханшаар тооцоход 4.4 тэрбум төгрөг байна.

Банкинд дамжуулан олгосон зээл: Банкнаас ирүүлсэн хүсэлтийн дагуу Монголбанк 30 сая хүртэлх төгрөгийг 3 жилийн хугацаатай банкуудад дамжуулан олгодог. Төслийн хүрээнд өссөн дүнгээр нийт 16.9 тэрбум төгрөгийн зээл банкинд дамжуулан олгосон. 2016 оны 3 дугаар улирлын байдлаар оролцогч банкинд тусгай хугацаат хадгаламж хэлбэрээр байршуулсан эх үүсвэрийн үлдэгдэл 3.22 тэрбум төгрөг байна. Ингэснээр төслийн эргэлтийн санд зээлдүүлэх боломжтой 1.2 тэрбум төгрөгийн эх үүсвэр байна (Зураг 4).


Зураг 4. АХБ-ны АБН төслийн зээлийн үлдэгдэл, дамжуулан олгосон дүн



Эх үүсвэрийн ашиглалт

Төслийн эргэлтийн хөрөнгөд байршуулсан 3.4 тэрбум төгрөгийн эх үүсвэрийн 97.5 хувийг Голомт банк, 2.5 хувийг Улаанбаатар хотын банкаар дамжуулан иргэд, аж ахуйн нэгжүүдэд олгосон байна (Зураг 5).

Зураг 5. АХБ-ны АБН төслийн зээлийн эргэлтийн сангийн эх үүсвэрийн хуваарилалт



Банкуудын тайлангаас үзэхэд төслийн хүрээнд олгосон зээлийн үр дүнд 2016 оны III улирлын эцсийн байдлаар нийт 330 (Голомт банк 321, УБХБ 9) ажлын байр нэмэгдсэн байна.

Банк	Зээлдэгчийн тоо	Нэмэгдүүлсэн ажлын байрны тоо
Голомт	164	321
Улаанбаатар хотын	4	9
	168	330